

Sassaalliisarfitt il.il. matoqqasarfiinik allannguigallarneq pillugu Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaat nr. 20, 12. november 2001-imeersumi, Inatsisartut inatsisaanni nr. 1, 1. april 2020-mi allanngortinneqartumi §§ 6 a, 12 a, 12 b aamma § 29, imm. 2 aamma 3 naapertorlugu, aalajangerneqarpoq:

Atuuffia

§ 1. Nalunaarut Kalaallit Nunaannut tamarmut atuuppoq.

Imm. 2. Nalunaarut Kalaallit Nunaanni Peqqinnissaqarfimmut imaluunniit nakorsiartarfinnut kiisalu nakorsiartarfinnut namminersortunut niuertarfinnilu peqqissaannermik naalagaaffimmit akuerisaallutik ingerlatani ingerlatsisunut atorfqartitsiffiusunullu atuutinngilaq.

Imm. 3. Nalunaarut katersuunnernut, politikkut allatulluunniit isummersornissamik sunniiniarnissamik siunertalinnut atuutinngilaq.

Imm. 4. Nalunaarut eqqartuussivinnut atuutinngilaq.

Imm. 5. Nalunaarut namminersortunut pisortaniillu ulluunerani neqeroorutinut, atuarfinnut, ilinniarfeqarfinnut il.il. nappaatit tunillaassortut akiorniarlugit iliuutsit pillugit Inatsisartut peqqussutaanni § 22 naapertorlugu atuutsinngilaq.

Imm. 6. Nunatsinni Nakorsaaneqarfik nalunaarummit immikkut akuersissuteqarsinnaavoq.

Sassaalliisarfinnut il.il. immikkut matusarfitt

§ 2. Sumiiffit inimi nerisassanik, imigassanik imaluunniit tupamik tunisisarfimmi pisinissamat pingaarnertut siunertaqarfiusut, imaluunniit imerniartarfimmik, diskotekimik assigisaanilluunniit ingerlatsiffiusuni sassaalliuteqarneq nal. 22:00-mit nal. 5:00-imut unitsinneqassaaq aamma nal. 22.30-imut nal. 5.00-imut tamanut matoqqatinneqassapput.

Imm. 2. Init allat, matuma ataani hotelit paarlii, nerisassanik, imigassanik imaluunniit tupamik sassaalliiffiusut, nerinissamat imaluunniit imernissamat sassaalliineq piffissami nal. 22.00-imut nal. 5.00-imut matoqqassaaq.

Imm. 3. Imm. 1-imik aamma 2-mik malinninnissamat qulakkeerinninnissamat pisussaatitaaffik inimik atuisumiippoq.

Pineqaatissiissutit

§ 3. § 2 naapertorlugu pinerluttulerinermik inatsit naapertorlugu unioqqutitsinermi kinguneqartitsisoqarsinnaavoq.

Imm. 2. Ingerlatseqatigiiffit il.il. (inatsisitigut pisussaatitaasut pisinnaatitaasullu) pinerluttulerinermik inatsimmi kapitali 5-imi malittarisassat naapertorlugit pinerluttulerineq pillugu inatsiseqartitsinikkut akisussaatinneqarlutik pineqaatissinnejqarsinnaapput

Atuutilersitsineq aamma atuunneranut piffissaliussaq

§ 4. Nalunaarut ulloq 26. januar 2022 atuutileroq.

Imm. 2. Nalunaarut naapertorlugu killilersuutit, inerteqqutit, peqqussutit il.il. ulloq 1. februar 2022 ilanngullugu atuutissapput.

Namminersorlutik Oqartussat, ulloq 25. januar 2022

Kirsten Fencker sinnerlugu Pele Broberg
Peqqinnissamut Naalakkersuisoq

/ Aka Olesen)

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut

